



Broj: 01-34-6286/20
Lukavac, 01.02.2021.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03 i 65/13), člana 2. Odluke o utvrđivanju uslova i kriterija za imenovanja na pozicije u regulirane organe („Službeni glasnik općine Lukavac“, broj: 6/04 i 9/17), člana 105. Statuta općine Lukavac – prečišćeni tekst („Službeni glasnik općine Lukavac“, broj: 5/08 i 1/14) i Odluke o poništenju Javnog oglasa za izbor predsjednika i članova Upravnog odbora Javne ustanove za odgoj i obrazovanje djece predškolskog uzrasta Lukavac broj: 01-34-6285/20 od 01.02.2021.godine, Općinsko vijeće Lukavac, objavljuje

PONIŠTENJE JAVNOG OGLASA
za izbor predsjednika i članova Upravnog odbora
Javne ustanove za odgoj i obrazovanje djece predškolskog uzrasta Lukavac

Poništava se Javni oglas za izbor predsjednika i članova Upravnog odbora Javne ustanove za odgoj i obrazovanje djece predškolskog uzrasta Lukavac (u daljem tekstu: Ustanove), objavljen u dnevnom listu „Dnevni avaz“ od 24.09.2020. godine i „Službenim novinama Federacije BiH“ broj: 69/20 od 30.09.2020. godine.

Istovremeno, na osnovu člana 8. Zakona o ministarskim, vladinim i drugim imenovanjima Federacije BiH („Službene novine FBiH“, broj: 12/03 i 65/13), člana 63. Zakona o predškolskom odgoju i obrazovanju („Službene novine Tuzlanskog kantona“, broj: 12/09 i 8/11), člana 2. Odluke o utvrđivanju uslova i kriterija za imenovanja na pozicije u regulirane organe („Službeni glasnik općine Lukavac“, broj: 6/04 i 9/17), člana 105. Statuta općine Lukavac – prečišćeni tekst („Službeni glasnik općine Lukavac“, broj: 5/08 i 1/14) i Odluke o raspisivanju Javnog oglasa za izbor predsjednika i članova Upravnog odbora Javne ustanove za odgoj i obrazovanje djece predškolskog uzrasta Lukavac broj: 01-02-1-598/18 od 09.03.2018. godine, Općinsko vijeće Lukavac, objavljuje

JAVNI OGLAS
za izbor predsjednika i članova Upravnog odbora
Javne ustanove za odgoj i obrazovanje djece predškolskog uzrasta Lukavac

Objavljuje se Javni oglas za izbor predsjednika i članova Upravnog odbora Javne ustanove za odgoj i obrazovanje djece predškolskog uzrasta Lukavac (u daljem tekstu: Ustanove), na mandatni period od 4 (četiri) godine, i to:

- iz reda osnivača 2 (dva) člana,
- iz reda vijeća roditelja 1 (jedan) član i
- iz reda stručnih radnika zaposlenih u Ustanovi 2 (dva) člana.

I. Opis pozicije

Nadležnost Upravnog odbora propisana je Zakonom o ustanovama, Zakonom o predškolskom odgoju i obrazovanju i Pravilima Ustanove i podrazumijeva obavljanje slijedećih poslova:

- a) donosi pravila i druga opća akta predškolske ustanove,
- b) donosi godišnji program rada predškolske ustanove,

- c) utvrđuje planove rada i razvoja predškolske ustanove,
- d) na propisan način donosi odluku o statusnim promjenama na koje je data saglasnost i prijavljuje njihov upis u registre,
- e) odlučuje o mjerilima i kriterijima upisa djece,
- f) imenuje direktora predškolske ustanove,
- g) rješava po zahtjevu o upravnoj stvari iz svog djelokruga,
- h) rješava o žalbama kao drugostepeni organ i
- i) obavlja i druge poslove utvrđene zakonom, aktom o osnivanju i pravilima predškolske ustanove.

II. Kandidat za predsjednika i člana Upravnog odbora mora ispunjavati slijedeće opće i posebne uslove:

a) Opći uslovi:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- da se na njega ne odnosi član IX.1. Ustava BiH po kome nijedna osoba koja izdržava kaznu izrečenu od strane Međunarodnog suda za bivšu Jugoslaviju i nijedna osoba koja je pod optužbom Suda i koja se oglušila o poziv da se pojavi pred sudom ne može se kandidovati, niti može obnašati naimenovanu, izbornu ili drugu javnu funkciju na teritoriji BiH,
- da se protiv njega ne vodi krivični postupak, da nije osuđivan za krivično djelo ili privredni prijestup koji predstavlja smetnju za imenovanje na upražnjenu poziciju u roku od pet godina od dana izdržane, izmirene, zastarjele ili oprostene kazne.

b) Posebni uslovi:

- da ima završenu visoku stručnu spremu odgovarajućeg zanimanja zavisno od djelatnosti reguliranog organa,
- da ima najmanje 1 godinu radnog iskustva nakon sticanja visoke stručne spreme na poslovima u okviru svog zanimanja,
- da nema privatni finansijski interes u reguliranom organu za koji se kandiduje,
- da nije član upravnog, izvršnog ili drugog organa političke stranke i
- da nije član upravnog ili nadzornog odbora u više od jednog reguliranog organa.

III. Za sve kandidate koji ispunjavaju opće i posebne uslove u postupku konačnog izbora uzet će se u obzir i slijedeći kriteriji:

- veći stepen stručne spreme srodnog zanimanja,
- komunikativne i organizacione sposobnosti,
- minimum znanja o organizaciji i djelatnosti reguliranog organa,
- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- sposobnost upravljanja finansijskim i ljudskim resursima,
- naklonjenost timskom radu i
- rezultati rada tokom karijere.

IV. Dokumenti koji se prilažu uz prijavu na javni oglas moraju biti originalni ili ovjerene fotokopije:

Uz pismenu prijavu kandidati su obavezni priložiti slijedeće:

- svojeručno potpisanu kraću biografiju sa adresom i kontakt telefonom (CV),
- uvjerenje o državljanstvu (ne starije od 6 mjeseci),
- uvjerenje o prebivalištu – boravištu (Obrazac PBA-3),
- ovjerenu kopiju diplome,
- uvjerenje o radnom iskustvu u struci,

- uvjerenje da se protiv kandidata ne vodi krivični postupak, da nije osuđivan za krivično djelo ili privredni prijestup koji predstavlja smetnju za imenovanje za upražnjenu poziciju, u roku 5 godina od dana izdržane, izmirene ili oprostene kazne (ne starije od 3 mjeseca)
- ovjerenu izjavu kandidata na okolnosti iz tačke II-a) alineja 3. i 4. i na okolnosti iz tačke II-b) alineja 3., 4. i 5.

V. Svi kandidati čije su prijave formalno-pravno ispravne bit će pozvani na intervju.

Kandidati sa kojim se ne stupi u kontakt u roku od 8 dana od dana isteka roka za podnošenje prijava, kao i kandidati koji su uredno pozvani, a nisu se pojavili na intervjuu, neće se uzeti u obzir u daljem postupku za izbor i smatrat će se da su odustali od kandidature.

Javni oglas objavit će se u jednom dnevnom listu i "Službenim novinama FBiH". Integralni tekst javnog oglasa možete pogledati na službenoj internet stranici općine Lukavac: <https://opcina.lukavac.ba/>

Krajnji rok za podnošenje prijava na Javni oglas je 15 dana od dana objave u „Službenim novinama Federacije BiH“.

Kovertirane prijave sa naznakom "Javni oglas za imenovanje predsjednika i članova Upravnog odbora Javna ustanove za odgoj i obrazovanje djece predškolskog uzrasta Lukavac - NE OTVARAJ", podnose se putem pisarnice Općine Lukavac lično ili preporučeno putem pošte na adresu: Općina Lukavac, Komisija za izbor predsjednika i članova Upravnog odbora Javne ustanove za odgoj i obrazovanje djece predškolskog uzrasta Lukavac, Trg Slobode br.1, 75 300 Lukavac.

Nepotpune i neblagovremene prijave neće se razmatrati.

PREDSJEDAVAJUĆI
OPĆINSKOG VIJEĆA
Suad Salibašić dipl. ecc.s.r.